

續修四庫全書

《續修四庫全書》編纂委員會編

續修四庫全書

上海古籍出版社

一三六五・集部・別集類

焦氏澹園續集二十七卷（卷十一至卷二十七）〔明〕焦竑撰……………一

歇菴集二十卷〔明〕陶望齡撰附錄三卷〔明〕陶奭齡等撰……………一四五

焦氏澹園續集卷之十一目錄

神道碑

資德大夫都察院右都御史兼兵部左侍郎
贈兵部尚書冲菴顧公暨配淑人李氏神道
碑

焦氏澹園續集卷之十一目錄終

澹園續集 卷之十一目錄

一

焦氏澹園續集卷之十一

神道碑

資德大夫都察院右都御史兼兵部左侍郎
贈兵部尚書冲菴顧公暨配淑人李氏神道
碑

公諱養謙字益卿別號冲菴先世居揚之高郵後
徙通州家焉曾大父曰竹居翁能大父曰定軒翁
山父曰蘊菴翁瑤兩世皆贈都察院右副都御史
以公貴也娶於單寔生公封太淑人公生有奇質
澹園續集 卷之十一

九歲通制舉業未冠入膠庠數獲雋諸弟子間可
四歲而成鄉薦又八歲始舉進士授戶部主事轉
員外郎中楊襄敏聞其名欲取以自輔大司農不
可尋見忤出爲福建按察司僉事擒邵武劇盜出
巡按御史於亂中遷廣東布政司叅議寇賴一清
曾鳳作亂公設伏擒之籍其衆爲兵嶺海悉平晉
按察司副使會閩撫以苛禮望公疏論調雲南僉
事順寧土官猛與大侯州相牙角輒侵其地公
具禍福檄諭之而寅惴歸命矣尋晉浙江右叅

議分守溫處踰二歲晉霸州兵備副使未行而杭營卒亂齟齬撫臣人情洶洶督撫張公佳胤言于銓改公杭嚴道公與張公謀發諸卒哨於海而密以亂首名屬徐遊擊景星縛之軍數其罪而斬之餘赦弗誅羣卒咸股弁唯唯曰吾曹乃得安食寢也張公深嘆服公言於 朝臺瑣推轂邊才率以公爲稱首遂徙公備兵薊鎮尋晉都察院右僉都御史巡撫遼東甫至則東虜炒花把兔兒犯蒲瀋汎河諸堡公知寧遠伯李成梁負勇略部多強

瀋國續集

卷一

二

兵委心寄之斬首虜百餘級明年寇前屯開原不利則糾北虜十餘萬闌入遼陽廣寧間勢張甚公與寧遠計分兵爲二一潛出塞外繞虜營後一當其衝夾擊之虜大敗馘其魁斬首千餘級 上以爲奇功特晉右副都御史公策遼邊長虜衆兵寡而餉薄因請歲增餉銀馬價合九萬有奇增設復州參將一蓋州備禦一由是邊備聯絡士飽馬騰皆踴躍願一當虜於是鎮夷堡十方寺所斬鹵夥甚又敗虜鎮寧堡馘其驍騎三十餘人酋首四人

無何虜十萬騎攻牽馬嶺再攻鎮夷公與備兵使者環甲登陴日椎牛享士士益奮虜聞不敢逼徐自引去因遣銳卒躡其後斬首百餘級當是時遼無歲不被虜先後數十戰斬獲不可勝計白金文綺之賜出尚方不絕而最後那林猛骨二酋與夷頗媾欲連西虜訂內地公思大創之乃縱所禽那林孛羅輩示之撫而計縻夷婦子母爲間比關那卜諸酋始噤不敢發公引兵出開原壓壘而陣二酋擁三堅城矢石交下我兵以飛礮擊其外郭壞多洞胸外者乘勝連拔其二城斬首五百餘級酋牛畜器械無算虜窮請降乃釋之故事首虜功數百錄一子錦衣公力辭曰 上威德與諸將士力我何功且家世業儒可復侵介士路耶當路悉公雅意僅陞俸一級錫銀幣予三代 誥從公志也虜嘗擁衆叩關挾求市賞如宣大公力拒之而嚴兵以備虜乃退大氏遼苦歲婁淪士無見糧又虜出沒無能得其要領者公悉發庾積及公帑以賑所爲通融信縮者百方清水谷驂陽寬奠間力

禦辟爲諸堡先而降東哈亥猛骨等皆餌之爲耳
目其鼓舞士心所向克捷以此歲己丑以久次遷
南戶部侍郎總督糧儲過家欲留侍太淑人不許
旣行而太淑人卒時東西多兵事朝議奪情起公
兵部右侍郎兼右僉都御史總督薊遼保定公力
辭終制乃行未至改兵部左侍郎島夷陷朝鮮遣
使乞封貢本兵欲許之廷臣爭之力章滿公車矣
乃復命公總督兼經略公疏言 國家之患在虜
不在倭自古未有倭能越朝鮮而犯我者第中國

澹園續集

卷十一

四

禦夷常以順逆爲撫剿權恩威而用之吾爲朝鮮
出援歸其侵疆恩至厚今倭且歸命宜因而聽之
卽不許貢而姑縻以封庶幾兵可罷紛可解假虛
名而紓實禍便計也今言者率稱戰守戰則不能
必得志於倭守則徵兵遠戍歲耗大司農金錢數
十萬疲中國力而代受其敝令虜得乘虛而入非
策也臣竊意關會王而與故王不相下則國內亂
何暇謀朝鮮卽能附衆立國必德 天朝不復有
異志此兩利而俱安之道也公所以折衷羣言條

禦夷方略不下二萬言其於利害甚曙疏上與朝
議不合遂求去薦孫公鑣自代尋擢右都御史兼
工部右侍郎總理河道公以疾辭疏五上乃許踰
年以原官起公協理京營戎政公堅臥不應日御
筭與故舊遊山水名勝劇飲爲樂生平宦業絕
口不復言所引拔文武將吏輒譴不見越數年以
微疾卒公爲人豪爽潤達膽氣過人臨事智略輻
輳若左右畫圓方悉中肯竅嘗之凌河猝與虜遇
將佐欲召三千卒爲援公曰以三千人當虜十萬

澹園續集

卷十一

五

是以肉投餒虎也乃啟四門登城張蓋危坐旁觀
者人人惴恐公談笑自如虜怪之過而不敢窺也
性孝友篤至以蘊菴公太淑人沒不及視含斂茹
痛終其身同產姊妹資送極豐務以慰太淑人意
奉祿所入均之兄弟不自名一錢疎屬及知交恃
以衣食者若而人或聞人困阨及無辜被繫者計
脫之乃已故人子窮而來歸無不厭所欲卽負公
亦置不校其慷慨好義蓋天性也居官廉所至馳
遺輒峻郤之家人生產一無所問於書遊覽而已

而奇編與帙寔無不窺詩文落筆千言雄贍有奇氣古稱隨陸無武絳灌無文如公可謂兼之矣配李氏封淑人進士夢周女事太淑人甚謹單氏衰落淑人移其家近太淑人而厚恤之太淑人爲之色喜公游宦四方淑人獨留奉姑歲時烝嘗必飭身服粗茹澹而積所餘片買笏產家故業日拓凡公之奉賓客周貧交樂施不倦者以淑人爲之助也公生嘉靖丁酉三月八日卒萬曆甲辰正月十一日年六十有八淑人生嘉靖丙申正月二十日

澹園續集

卷一

六

卒萬曆戊戌十二月三十日年六十有二子二長懋賢某縣知縣娶周衛經歷鵬女次懋炎任子娶陳大叅大壯女女四壻錢士俊邑諸生陳體乾陳運江國賓皆國子生孫八國寶恩生懋賢出聘馬國器諸生娶錢國璽國是國紀國獻懋先出餘尚幼孫女三公以乙巳十月六日葬於狼山之新阡天子出水衡錢庀葬事諭祭者三巨公志而掩諸幽哀榮備矣至是兩子謂余知公稔復俾文其麗牲之石銘曰

狼山之原疇封與樹維明顧公司馬之墓公當隆萬兩朝之間謀行計施勲伐無前浙卒跳梁公計殲之奮節金革實兆斯時載往於途獯虜狎至料敵出奇蔑不如意島夷猖狂齟齬我屬國 帝曰往哉女其經略公曰小吏震於其隣一封縻之戰守奚勦譬之天道一張一弛雨露風霆靡以有已誰私黨讐倏騁異議公心不怡秉義以退 帝嘉曰忠衆忌其材寵命再臨公駕不回尚冀永年以毘天子方奮方騫厥隕誰使歸窆於幽與偕者妃文

澹園續集

卷十一

七

條武暢載於豐碑後有攷者視此銘詩

焦氏澹園續集卷之十二目錄

墓表

贈南京吏科給事中南州祝公墓表

贈通議大夫南京戶部右侍郎兼都察院右

僉都御史四川邛州白鶴驛丞趙公墓表

贈工部營繕清吏司主事和齋崔翁暨安人

李氏胡氏墓表

贈奉政大夫和州知州譙公暨元配黃宜人

墓表

澹園續集卷之十二目錄

陳翁以約暨配吳碩人墓表

太學錢君懋穀墓表

田南邵翁墓表

贈淑人徐母王氏墓表

贈孺人呂室趙氏墓表

明奉政大夫南京工部屯田清吏司郎中瓊

田林公暨配黃宜人墓表

焦氏澹園續集卷之十二目錄終

焦氏澹園續集卷之十二

墓表

贈南京吏科給事中南州祝公墓表

公諱廷相字子隣一字子衡別號南州南唐有諱

約者致節度使仕卜德興煖水里居焉十八傳爲

雲樵公諱良驥卓卓樹操行有聲配程生丈夫子

三伯廷憲季廷尹公其仲也生而穎敏書過目輒

曉解大意諸天官律歷風角鳥占干支家言靡不

習而爲里人所急者算法也屢畝經野秋毫不爽

澹園續集卷之十二

人倚以爲平書九體特擅其六尤工繪事有處士

王臣見而奇之曰以若之才而僅施之此乎公感

奮益取經史子集讀之然自累葉以來世耕鑿而

不廢鉛槧雲樵公命公兄弟種樹頰山輒挾策從

田塍間且誦且植相與談討擊難夜歸篝燈讀夜

分乃已間得一異書手自繕寫曰書饑可爲糧渴

可爲飲怠可以爲枕古稱益人神智非虛也里中

凡禘社祖道諸雅事踵相躡乞公圖而咏之以相

篆籀分隸榜署草行各斐妮有致嘗遊巖石下徘徊不能去人問之曰吾胸中有奇字徑丈餘不得一巨石鐫其上耳傷及百技靡不精家有需輒自爲之若木若石若搏埴若丹牘若剪裁剗削各善其事里中迎爲童子師則抗顏徃教一本先世家法蒞墜滿三載則攝齊請去東道主更賢重公納履謁請無虛歲以其暇蒐緝家乘攷訂之例取歐文忠公書做顏魯公閱數載而譜成所著有南州隨筆凡經傳格言及子史稗官可備鑒戒者無不

澹園續集

卷十二

二

采嘗偕兄勿齋一再游金陵歎曰吾於山見鍾阜之高於水見長江之深於都城見宮闕之壯麗人物之繁華與賢士大夫伏軾而遊也不謂非巨觀矣而以巖棲穀飲之人參焉吾懼醅白之日凋也孰與歸來乎山中而以葆吾真爲子生苦乏膏油資而世祿顧嗜學甚公縱之學曰學詎憂餒耶而時時舉所聞宿德嫻行爲瑱規嘉靖甲子世祿舉於鄉歸以一文綺壽公泫然曰若大父不能得之我我乃得之若會有強之居間者公聞之曰士甫

澹園續集

卷十二

三

第猶處子之待年汝不力郤之踰檢而喪志自此始矣世祿佩其言惟謹弟子文病足呻吟不絕公爲一夕數起雲樵公臥病公不解衣而侍身爲浣濯扶侍雖子孫不以屬也及不起哀動隣里爲罷相者久之諸飯含棺殮不以窆故廢易戚晚節數病病且革呼二子前曰士公車前身屬之師通籍後身屬之君惟公車時靡所屬或臞朋僻友更相誘而成其過是可爲遽廬不可久也宜早決已而曰汝讀書豈山歲侵若弟躬負米餉汝而自擷籬豆以餐可念也又曰可寘筆硯吾几筵其勿剪圃中卉藥吾歿後惡知我之不園日涉而游戲筆硯間乎世祿兄弟環而泣詰朝乃逝嘉靖丙寅十二月二十日也娶夏先卒繼寶俱贈孺人生二子長卽世祿南尚寶司卿次世臣萬曆乙亥七月某日祔葬於太母程之塋左壬辰以世祿休寧令最贈文林郎如其官越三年召授南吏科給事中以慈聖皇太后徽號恩再贈將仕郎南吏科給事中公質直坦蕩談論舉舉而獨慎取子敦行誼交游

不妄世祿以忠樸爲名諫議得諸公者爲多卽不出里閭而邑之爲父者媿子爲子者媿父而谷幾變嗟夫是足以風矣余與世祿新安潘士藻三人爲綰帶交海內莫不聞公世系行履士藻旣悉之志銘而余撮其大者表諸隧道如此

贈通議大夫南京戶部右侍郎兼都察院右

僉都御史四川邛州白鶴驛驛丞趙公墓表

萬曆庚戌春南少司農趙公一日語余曰先大父之葬也木拱矣而始籍主上寵靈得稱南戶侍

澹園續集

卷十二

四

若僉都御史墓顏益拓矣夫以卑官爲天子所采擇而辱之綸綍微子言表於墓曷以闡揚而光大之明吾君之賜余不敢辭按狀公諱景德字宗仁世山西解州人爲人潔廉而忠厚幼業儒不成已爲司空城旦家言補邑椽見諸邑椽舞文受賕心厭薄之誓不受人一錢歲饑郡大夫發帑金賑貧者諸邑椽皆有分公毅然曰此上所爲賑貧人者柰何以潤吾橐乎力辭之久之以文無害授四川邛州白鶴驛驛丞至則庫氏僕夫輩故有私

覲例公峻郤之下至徒役一無所受或問之則曰爲盜者類迫於寒饑者也爲隸胥充徒役者爲姦利觸文罔者也而吾受其餽與若奚擇焉或曰公不爲家人產計耶公笑指二孫曰此吾產也客乃止會部使者索茶於驛而意有需於公公第以茶進索瓜公庾以瓜進乃大堅公遂以他事斥之公嘆曰七尺吾授之父母而乃以徇人馬足耶遂移牒致其仕歸人見公巖居寡營詰之公曰先世遺產足供饘粥此外皆長物也何以疲吾神爲公卽

澹園續集

卷十二

五

不屑屑生事而性好施予病者葬者婚失時者多歸焉卽所叩而其入非故識者與非力所辦者必芻宛濟之無勸里之待以舉火者若而家始辦事京邸一同事者貸人子錢擬歸取資斧而子錢家收責急謂若命不可期倘一旦填溝壑吾將已責耶公聞之怒曰安得此不祥語卽出資代償之里人趙某居京遘疫甚篤大小遺戚仰人同侶者謂疫當傳且惡其穢也相率以身跳公愴然曰是有命且同出而以疾棄之吾不忍於是戢足湯藥躬

浣被者累旬人咸目爲駭公不顧疫竟差抵家人有誣訟公者而趙反證之公退責某若忘曩者京邸活汝乎人何人亦誣訟某引公證某大恐公咲曰吾嘗活汝不任受德卽負我亦不任受怨竟爲直之官某乃大感讞曰吾當媿歿入地矣又有使酒嫚罵者公第鍵關若不聞家人咸憤曰公豈石人耶而甘受籍乃爾公解之曰此如飄風過耳無足爲怒者至日中乃開門迎謂曰度若舌當燥家有濁醪願與若共之何如其人大慚詰朝踵門頓首謝公第趣觴觴之乃去公公所負挾而邑人靡不推爲長者以此居恆雅好書史卽冗劇中不廢燕居色恆莊訓子孫必令習禮娛衣以爲常謂禮習則鮮情行衣飾則閑邪心課讀暇輒引古道諭之閒論近世吏疇以廉興疇以墨敗疇仁而昌厥世疇酷而殄厥宗疊疊不休且曰吾平生庶幾無所媿倘陰德有助後必有大吾門者孺子其識之越四十歲至教授某而以經顯今司農公某以卿貳兼憲職益貴重曾孫標繇翰吉至罔卿蓋四世

澹園續集

卷十二

六

而聲施海內公言卒大讐云司農言公丞白鶴日有弟季來眠客處藁葬驛中公手作灰格封識之曰恨貧不能歸弟骨異日者吾孫道此乃弟首丘時也後孫標果按蜀得灰格宛然竟歸遺骨如公言司農又言余父徃於田距祖塋百步而近見煙霧從塋中起追視之則白氣亘空非煙非霧已得兒標登第捷音計其日政榜出時也異哉公卒嘉靖己未五月四日享年若干萬曆壬辰以司農公浙江布政滿贈通奉大夫浙江布政司左布政使

澹園續集

卷十二

七

配楊贈夫人癸卯復以司農三品六年滿改贈如今官配楊贈淑人子男一曰良臣封文林郎掖縣知縣累贈如公官娶處士王景雲女封恭人累贈淑人制詞所褒公甚熾有曰行篤彝倫動偕古誼分符作宰流廉譽於叩剡解組歸田播仁風於梓里大哉王言如親覩公之爲人者里人皆舉手加額曰爲善有徵矣夫公不能竟用於身而能使其用竟於不可必之子孫不能得之相臨之吏而乃得之不可測之天如樊侯樹漆易世而始獲

用積厚流長聲動 人主至旌閭閻之行而顯重之以校夫于公何比于之流豈有異也爲趙氏後者當知所爲報已余不佞謹掇公大都表於隧道以示賢士大夫之過而式者

贈工部營繕清吏司主事和齋崔翁暨安人李氏胡氏墓表

萬曆乙巳 天子上 慈宮徽號制若曰朕以大慶覃恩施及有位工部主事廷健父珩率德蹈義不躬榮利能教厥子爲朕才臣其加賜名命以勸

澹園續集

卷十二

八

天下之爲人父者所司奉 制書特贈公如子官母李氏生母胡氏皆爲安人廷健頓首受書焚其副墓上乃撰次公世行始卒詣余曰不佞考妣萬曆己亥春業葬於縣西金雞山之原一二細行不卽論次懼其無傳爲大典辱願以屬子矣余敬諾按狀翁字某別號和齋世寧國府太平縣人爲人事生嚴喪歿哀自宗人以逮婚友靡不盡其心而尤以撫孤著髫年父見背弟珩若璫俱穉齡依依從母氏臥起家且窳空無以自存翁奮然曰某爲

家督敢以遺母夫人憂於是經紀先業提挈二翁冀其有成人之年並弱冠翁兩爲授室母乃大喜無何相繼物故遺孤二一甫昇一甫三月翁曰此兩翁不絕之綫也爲抱哺撫摩不啻屬毛離裏然日察其顏色少疾輒療之惟謹稍長就塾翁係之傳之動以禮義爲藩一切錢穀饔餐拮据以辦不以煩二孤久乃爲之婚而孤亦儼然能自立者稟翁教也翁始以筦鑰付之其大者猶受成於翁以故二孤生計視昔饒翁獨居瘠無悔居恆誨愛備

澹園續集

卷十二

九

至退慰安其母皆不失所宜嘗囑兩安人曰鰥寡之無告衆所哀也况娣姒間乎若尚善視之孀者安吾母安矣時門祚衰薄多囂凌詬誶百責叢委翁以身任之慮煩而神悴獨其志意顛篤識度過人得從容而不仆人以此多翁云少以不逮父養爲恨晨夕於母夫人側微疴輒廢寢食歲時布席率子婦若從子奉觴百拜爲母夫人壽極歡而罷母夫人壽九十以天年終翁毀瘠裹事會有家祠之役先族人首事與匠作同甘苦哀瘁致疾於是

年五月某日卒愴哉配李安人副胡安人李數舉子而不育子胡出者無異已子與胡安人居藹然有樛木風胡亦婉婉承之兩相成也子四人長廷健卽膳部次廷循次廷徵廩生次廷衛附學生女二一適諸生李某早卒一適譚參軍子某李安人生某年月日卒某年月日享年五十有七胡安人生某年月日卒某年月日享年六十有五近世士大夫外樊飾爲聲名而內行顧闕公闇然獨隆於孝友 天子嘉其馴行於是乃褒而揚之豈但慰子孫之思於一時將使夫重利忘親薄於同氣者低徊婉奮想公之風聲氣烈至於愈遠而彌新則王言之所激勸豈有既乎故余樂爲之書以表於隧道

澹園續集

卷十二

十一

贈奉政大夫和州知州譙公暨元配黃宜人墓表

贈公夫婦生嶺表及見仲子嵩舉鄉試高等以老壽終葬於縣某山之原如千年矣至是子嵩守和州以三年績最於司功得贈公如子官而母黃稱

宜人云當是時 天子所下制詞大指謂良牧之才非一世積以美州大夫而歸功於兩尊人甚至嵩捧而讀且感泣謂其友焦子曰卽吾父母所操行說賢然不能踰閭里之外何至乃聞 九重而辱 天子之綸綍微一言表於隧道是隱 君之賜而泯泯吾父母也吾子其圖之余讞不敏不敢辭按狀贈公諱元盛字某世居番禺石橋鄉生三歲母彭見背育於女兄所八歲從里中師授經術年十五業駿駿就矣見父耕壠上而德廢書泣曰澹園續集

卷十二

十一

父憊矣我乃安坐而食獨能下咽乎遂輟讀佐父耕久之心通乃求白地若甌脫種播而耘耔之於汜勝賈總諸家言多閤合自是甘毳伏臘之需稍稍具矣事繼母許色養備至念女兄育已母事之終身蓋孝友其天性也爲人樸直不侵爲然諾待人恂恂殊謹然性峭直不能腹藏過賢有德者輒折節下之無敢與鈞禮矣衣麤食非壹意節縮至蒸嘗伏臘務極豐腆以爲常生平公庭未嘗一錯趾鄉隣有構者卽諭以 聖諭和睦之條語意懇

多自解去自輟讀以來嘗意不自滿坐是督仲子公車業丙夜不休及選爲博士弟子員乃嘆曰吾不能辦于公貴高其門竟屬之若矣越五載仲子成鄉貢公不甚色喜第曰若輩分內事不止此其益勉之時年已逾耆鄉父老爲請冠帶於有司公固以辭曰吾何以此爲異日兒子能自效微惠國恩服之未晚也公卒前是業娶黃宜人生四子矣宜人公同縣黃公汝息女未字時內則少儀不習而能迨歸公履聲不出閨者數十年家故

好一不干其懷方其致俸稍爲甘毳資宜人盡以易絲枲躬自績而克裳衣焉所爲式穀後昆而統其賢名不虛耳公生嘉靖某年某月某日幼萬曆某年某月某日享年七十有五宜人生嘉靖某年某月某日卒萬曆某年某月某日享年七十有六子長某娶某氏次卽和州君娶黃氏次某娶某氏次某娶某氏女二一適某一適某孫男某某今制封贈之典雖中外無異而從宦於外者十不得一二大夫獨能以廉明受天寵爲父母身後之榮

陳翁以約暨配吳碩人墓表

余以歲丁酉與京閩試得陳君一教而器之輒以冠其經久之君數過余金陵熟其爲人恂恂敦篤君子也每語及母氏春秋高不欲去左右辛丑爲母強以行業成進士幾以慰母意公何母逝君奔

還毀瘠甚已衰經來請曰不腆先人逝垂十有八年墓木拱矣而虛隧道之石未有以文之頃且啓先兆奉母櫬而窆焉敢藉先生一言以重余曷能辭按狀君諱某字子晉別號以約先世溫之永嘉人宋止齋先生之後儀賓倉自永嘉徙義興之湖南已衛輝丞洪甫自湖南再徙亳村傳十世至亳溪公郁以耆德爲鄉里所重翁父也配楊繼孟生丈夫子七次卽翁娶邑諸生吳燦女是爲碩人翁少有志節丰骨穎秀望之巖然治博士家言往往

澹園續集

卷十二

十四

屈其曹偶尋曹偶去爲博士弟子有爲顯官者而翁拓落自如後兩試幾獲雋矣而適與內外艱會乃嘆曰豈吾命不當第邪徐摩其子頂曰兒在何渠憂出其書授之所爲責課靡間薦紳學士慕其人爭致館塾曰經師易得人師難求也翁攝齊爲談說經義甚都而日以士行相磨切於是諸生彬彬多樹操行有聲矣與人交抒寫必盡而於過失顧能彌覆之隣婦有夜窺者且卽易其處館人以問終不告其陰行善多此類居父喪哀毀骨立母

屬末疾展轉牀第體浸敗不可近翁率碩人不櫛沐而侍扶掖眠燥濕浣中裛蓋目不睫者巾月云喪葬蒸嘗必庀於禮已室其季之未室者家其女之未家者以次綜理之不遺餘力三黨離逃從館歸歲行盡矣必徒步往存之足重趼不休至除日薄暮乃還歲以爲常居恒最喜節義事讀古忠臣孝子傳慷慨擊節爲之涕出族婦貧而孀翁倡義月給薪米以堅其志宗祠耐金率一人領之息其子爲春秋需宗人多乾沒者翁有田五畝盡鬻之

澹園續集

卷十二

十五

以助曰柰何令吾祖爲若敖氏鬼乎當小饒絕甘分少於少長疏戚必均間從匄貸不能問子錢并母錢匿之不悔曰母以其故失歡也頃之橐如洗家人寒膚嗛腹有不能堪者翁愈自堅忍不以干人人亦卒無應者或又以窘告卽心熱色動雖餅粟與共矣翁以韋帶終鄉人拱手推其長者卒之日識與不識皆爲霽涕以此翁性嚴抗諸子以法不少假而碩人壹以寬劑之終其身亾譙訶遇妯娒以和或非禮加之笑受而已蓋以纖膏佐翁施

精進佐翁孝世以篤行歸翁大都自碩人發之竟其身闕以外不聞履聲其於婉孌貞靜蓋天性也翁生嘉靖壬辰九月十三日卒萬曆乙酉四月三日享年五十有四碩人生嘉靖辛卯十二月五日卒萬曆辛丑四月二日享年七十有一子男三長一敬後碩人二月卒次卽一教舉進士觀工部政次一政郡諸生女二孫男五于熙于泰于鼎于某于某餘具狀誌中嗟乎急義而嗜修流俗羞以爲迂而弗言翁之學與教必出於此其自信不詘宜澹園續集 卷十一 十六

太學錢君懋穀墓表

君諱齋字懋穀澍之鹽官人 國初諱貴四者以通賦戌貴陽次子裕養於錢氏因蒙其姓三傳爲贈公達達生臨江守琦是爲君父臨江公六子芹

永州守萱儀部郎蓼葵太學生王恭人出晚年舉君及弟於潛學博襲夏孺人出少敏慧年十四補博士弟子員旋入成均無何臨江公卽世君居喪一秉古禮奉母務先意得其懽心孺人女適祝仲宣家亦貧則移近孺人拊諸甥不啻已出者孺人有嫂老且病養若養慈身任之不欲以傷孺人意也一夕孺人病終於弟宅乃移柩於家率婦寢處其側蓋三年如一日矣初臨江公幼楊太宜人病庶母彭實鞠之君體先志周旋兩宗者終其身於澹園續集 卷十二 十七

兄弟友愛尤篤於潛君乏嗣不難以已子後之及舉子而病終夜十起不自知其勞也於潛君在官舍疾甚兼程赴之護其喪以歸哭之欲絕其他立宗祠置祭田贍族人之貧者不可一二數生平與賢豪交樂赴其急王孝廉程文學吳山人皆推厚貲卹之無顧愴意他如掩戰骨櫜溺骸賑餓人其任與卹又有足多者如是也郡國守相高其名時以政容之君多所引避至有可久遠爲後利者率爲之盡錢氏世有名秩於朝君獨自得於佳山水

間從四方之客與鄉人之老詠歌偃息以忘其年
喜爲詩多至數百篇觀其見於擊轅集者可謂嘖
然能遂其志者矣先世遺稿手自讐校懸諸國門
所纂有臨江集永州集荆花集測語厚語家史合
玄集凡若干卷行於世生嘉靖辛卯十二月十一
日歿萬曆戊申八月一日享年七十有八配李孺
人先十一年卒子男四長應會太學生次應晉舉
人次應會應旨皆縣諸生孫男七曾孫男三嗟乎
君積其謹以至於行之修而僅以德於鄉積其勤
以至於業之成而不克顯於世此知者所以爲君
惜也然君有以及於人而無所疚於內其砥苟富
貴於一時而抱愧以歟者何如哉余與於潛君善
稔知君爲人故於子應旨之請掇君行事以表於
隧道如此

田南邵翁墓表

余蓋獲交太平邵君汝行因悉其父田南翁云自
余束髮砥志輒求天下超卓士相與沝聖言而偕
之大道久乃得邵君於眉睫間欣然有當也迨歲

澹園續集

卷十二

十一

癸卯冬余赴新安之會邵君在焉予以挾疑啓籥
者連昕夕以歸歸而道太平也邵君又偕其二兄
若諸子俱來余乃見其斌斌雖離以問學師友於
家庭未嘗不嘖嘖豔慕之焉未幾邵君兩從子遊
南雁邵君則歲一至每過予鑪熏茶宴相對終日
視笑之際言忘形遺他人莫測也一日叩其學所
從來邵君曰余小子何知皆先君教也先君棄余
時余兄弟政在髫年顧絕口不及家事曰若等能
知學我死足矣今去之四十年所於學茫然無聞
而樞衣請益不敢須臾離師友者皆先君教也余
小子何知言已歟歟者久之旣而起曰幸微惠先
生乞一言爲表先君之墓先君蓋遊於東廓先生
之門東廓先生會新安先君奉杖屨以從已緒山
龍溪兩先生至亦如之後先名賢旣聞至論孳孳
如不及已充然如有得也幼穎敏入黌宮試輒先
其曹耦浸浸鵬搏豹變矣而數不售於是先君放
情山水而一托聲詩以爲樂要以直據其中之所
得而非與世之拙黃嬈白帖括爲雄者角也然余

澹園續集

卷一二

十九